

modo signa negativa oppositos motui destinato motus repræsentarent, & quo pacto diverforum hominum in eundem finem consentientium operæ motibus implicatis unam Lineam describentibus responderent. Verùm cum res hujusmodi non sint admodum claræ, & aliqua etiam dissimilitudo haud rarò interveniat, visum est fatius esse hîc subsistere, quò mecum pervenire possunt qui principiis Mathefeos vel leviter fuerint imbuti, aut ingenio scientiis capiendis paulò fœlicius disposito à natura præditi; quàm ex comparatione cum re minùs nota, caliginem pro luce rebus moralibus inferre.

## CAPUT V.

*De Lege Naturæ ejusque obligatione.*

**M**Unitâ jam viâ ad ea quæ sequuntur omnia, caput hoc auspicabimur à Definitione Legis Naturalis. Lex Naturæ est propositio à natura rerum ex Voluntate primæ Causæ menti satis apertè oblata vel impressa, quæ Actionem agentis rationalis possibilem communi bono maximè deservientem indicat, & integram singulorum fœlicitatem exinde solùm obtineri posse. Contrariæ huic fini Actiones & omissiones iisque annexa mala hoc modo videntur pariter & indicari & prohiberi, siquidem privationes ex oppositis suis optimè intelliguntur. Rectum enim est index sui & obliqui. Quod autem à dato termino, seu rerum statu ad finem hunc optimum viâ brevissimâ proficiscitur, id translatione à Mathematica rectæ